

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 270094 26 St
Zenica, 06.03.2026.. godine

Općinski sud u Zenici, sutkinja Marina Šapina u prethodnom postupku za utvrđivanje uvjeta za otvaranje stečajnog postupka postupajući po prijedlogu predlagatelja Balić Selim iz Vogošće, Gornji Hotonj br. 11 i Balić Emir iz Sarajeva, ul. Nova 20, Sarajevo, zastupani po punomoćniku Alispahić Tahiru, odvjetniku iz Sarajeva, za otvaranje stečaja nad stečajnim dužnikom Trgovačko društvo „Ihtijarević export-import“ doo Visoko, Musala broj 2, Visoko, zastupan po punomoćniku Igoru Nikoliću, odvjetniku iz Sarajeva, kao protupredlagateljem, donio je dana 06.03.2026. godine sljedeće:

R J E Š E N J E

Pokreće se prethodni postupak radi utvrđivanja uslova za otvaranje stečajnog postupka nad društvom Trgovačko društvo „Ihtijarević export-import“ doo Visoko, Musala broj 2, Visoko, MBS: 1-6154.

Za privremenog stečajnog upravnika imenuje se Ismić Sulejman iz Visokog, Carica 12.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene članom 63. Zakona o stečajnom postupku i to naročito:

- Obezbijediti i brinuti se o imovini dužnika,
- Izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika,
- Utvrditi da li postoji razlog za otvaranje stečajnog postupka,
- Ispitati da li imovina stečajnog dužnika može pokriti troškove stečajnog postupka
- Utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka, i
- Izvršiti kontrolu poslovanja dužnika.

Privremeni stečajni upravnik dužan je podnijeti pismeni izvještaj ovom sudu u roku od 30 dana od imenovanja u kojem će izvijestiti sud o poduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje izgledi da se poslovanje stečajnog dužnika u cjelini ili u pojedinim dijelovima može nastaviti, te je dužan dostaviti izvještaj o okolnostima iz člana 63. stav 7. Zakona o stečajnom postupku.

Mjere pojedinačnog prinudnog izvršenja pokrenute protiv stečajnog dužnika se obustavljaju, a izlučna i različna prava povjerioci ne mogu ostvariti u prethodnom postupku.

Povjerioci stečajnog dužnika se pozivaju da privremenom stečajnom upravniku bez odgađanja saopšte koje mjere obezbjeđenja buduće stečajne mase na predmetima imovine stečajnog dužnika oni zahtijevaju.

Rješenje će biti objavljeno na oglasnoj tabli suda, web stranici Općinskog suda u Zenici, na internet stranici FIA-e i u „Službenim novinama F BiH, te će se dostaviti Odjeljenju registra ovog Suda, radi upisa zabilježbe pokretanja prethodnog postupka.

O b r a z l o ž e n j e

Predlagatelji Balić Selim iz Vogošće, Gornji Hotonj br. 11 i Balić Emir iz Sarajeva, ul. Nova 20, Sarajevo, zastupani po punomoćniku Alispahić Tahiru, odvjetniku iz Sarajeva su ovome sudu dana 20.01.2026.godine, podnijeli prijedlog za otvaranje stečajnog postupka nad stečajnim dužnikom Trgovačko društvo „Ihtijarević export-import“ doo Visoko, Musala broj 2, Visoko, zbog platežne nesposobnosti stečajnog dužnika.

Navedeni prijedlog dostavljen je stečajnom dužniku na izjašnjenje, te je stečajni dužnik u svom izjašnjenju od 12.02.2026. naveo da je stečajni dužnik pogrešno identificiran tj. da nije jasno i nedosmisleno označen subjekt protiv kojeg se vodi postupak, te da je prijedlog za otvaranje stečaja preuranjen, te predlaže da sud odbaci prijedlog za otvaranje stečaja.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagatelja u smislu odredbe člana 58. stav 2. Zakona o stečaju („Službene novine F BiH“, broj: 53/21) i da je isti dopušten, rješenjem od 23.02.2026. godine, naložio je predlagatelju da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka, temeljem člana 60. Zakona o stečaju, a predlagatelj je u ostavljenom roku izvršio uplati sredstava potrebnih za finansiranje prethodnog postupka.

Na osnovu dokumentacije priložene uz prijedlog za otvaranje stečajnog postupka i to aktuelnog izvoda iz sudskog registra privrednih subjekata od 07.11.2025, Presude Općinskog suda u Srajevu br. 65 0 P 676632 17 P od 01.10.2019.god., Izvještaju Centralne bakke BiH o računima poslovnog subjekta IHTIJAREVIĆ EXPORT IMPORT DOO VISOKO ona dan 15.01.2026.god., , Rješenja o ovrsi Općinskog suda u Visokom br. 41 0 I 108233 25 I od 29.10.2025.god., te Obavijesti Intesa Sanpaolo Banke od 13.01.2026.god., predlagatelji su učinili vjerovatnom platežnu nesposobnost stečajnog dužnika Trgovačko društvo „Ihtijarević export-import“ doo Visoko, Musala broj 2, Visoko.

Na osnovu podnesene dokumentacije, sud nije u mogućnosti da sam procijeni postojanje svih neophodnih uslova koje Zakon o stečaju predviđa za otvaranje stečajnog postupka, pa se temeljem odredbe člana 61. ovog Zakona, donosi rješenje o pokretanju prethodnog postupka, radi utvrđivanja uslova za otvaranje stečajnog postupka nad dužnikom i u tom pravcu imenovao privremenog stečajnog upravnika, sa liste stečajnih upravnika, te istom naložio da izvrši sve radnje navedene u izreci ovog rješenja, a sve u skladu sa članom 63. Zakona o stečaju.

Na osnovu iznesenog, a primjenom navedenih propisa, odlučeno je kao u izreci rješenja.

POUKA O PRAVNOM LIJEKU:

Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu u Zenici putem ovog Suda.

Sutkinja:

Marina Šapina